



65912

蒼峴山人集卷三

勾吳秦松齡著

然竹集

京江與劉震脩嚴蓀友別時蓀友入都門
秋風與子失前期吳楚烽煙極望時天地何心猶
帶甲江山無恙只旌旗青衫作客才名誤白首從
軍歲月遲珍重故鄉分手日金焦殘照足相思
泊瓜洲望南岸結營

牙旗秋卷暮天高鐵騎臨江意氣豪百里青山開

蒼峴山人集卷三

然竹集

一

壁壘一鉤新月照弓刀 聖朝擿伐原無敵臣子
馳驅未是勞慚愧書生無寸效將隨禁旅著征袍
憶蓀友

正近重陽風雨辰扁舟愁絕大江濱
邨橋沽酒知何處轉憶黃河夜泊人

九日

西風吹角使人傷白酒黃花憶故鄉
離別不知秋欲暮夕陽江上是重陽

江行即事

秋空望遠不勝情，尊酒長途仗友生。
白鳥自隨輕浪去，青山遙映峭帆行。
江雲江樹同爲色，蘆葉蘆花共作聲。
誰有曠懷當此境，風流惟憶謝宣城。

秋陰

乍雨成寒色，征途且醉醒。
雲橫半嶺白，波動夾江青。
草木朝光溼，魚龍夜氣腥。
秋聲兼客思，零亂落沙汀。

對月

客中初對月，況是暮秋時。
葉落微吟得，潮生獨立

蒼岷山人集卷三

然竹集

二

知江山終不改，天地竟何悲。
尚有清光照，艱危未敢辭。

晚至彭澤

斜趁東風過小孤，蕭條古縣長黃蘆。
修鱗出水還爭躍，俊鷗翻煙試一呼。
落日山川增氣象，暮潮舟楫近虛無。
高人已往餘衰柳，空載船頭酒百壺。

擬登廬山不果

遁志惟登臨，平生愛丘壑。
睽彼匡廬奇，前賢屢棲託。
淪陽近山趾，煙雲滿城郭。
豈無濟勝具，振策躡

芒屨守郡有故人爲言治杯酌窮覽畢所願嘯咏
慰離索王程亦未急風日殊不惡境至意常遷情
馳理仍縛寇盜莽縱橫蒼生在鼎鑊深抱國事憂
安能恣游樂莫探靈運跡若負慧遠約石梁與飛
泉想象入寥廓簪組方我櫻中情愧猿鶴終當脫
塵鞅幽崖采靈藥

蘄春道中懷蓀友知其別來亦苦相念賦

此却寄

別君將一月南北各殊區思君計君程應過南陽

蒼峴山人集卷三 然竹集

三

湖南陽煙水宅風土如三吳霜螿登饌美香稻炊
雕胡君凡五度過賤子兩度俱撫景念疇昔懷人
理寧無我去潯陽郡還出蘄春途黎庶半流散田
野多荒蕪軍興事日急民困何由蘇雖未膺官守
中心苦踟躕踟躕忽有憶吾友天一隅行行京國
近脈脉情緒紆顧我方遠適時世多艱虞君無損
眠食吾分當馳驅臨歧握手語豈敢忘須臾所諒
平生懷未肯慕華膺責誼勉陳力終難愛微軀矯
矯雲中鴈棲棲檣上烏愚智若異趣高下同所趨

庶幾保明義相望浮雲徂

○ 讀史

上將成謀定若何殘編讀罷幾悲歌一言當意沈
疴失萬事經心痛哭多渺渺長江連楚蜀蒼蒼明
月滿關河只今銅柱風煙外終古人稱馬伏波

待風下山磯

溪邊成久泊病起愛行吟獵火高原外魚罾落日
陰兒童來問字野老看彈琴更說前邨好山山紅
葉淡

蘄州僧舍

蒼峴山人集卷三 然竹集

四

近水啟僧扉前山正落暉蕭然一叢菊乞得數枝
歸江上波濤闊林間煙火稀未銷塵劫慮容易傍
銖衣

○ 鬲參軍

鬲參軍附桓温帳中臥聽朝士言祕計欲將江左
吞王謝日盱猶在門忍餓但得性命存散財結客
徒市恩垂絕思親雖愴惻生前不念公年尊嘉賓
小子死恨晚支道知人何足論

淝水捷

子弟胡爲欲使佳芝蘭玉樹生庭堦舉親破敵本
神賞圍碁賭豎非遣懷萬隊金戈風雨散八公草
木旌旗排幼度提兵入死地不然轉足無江淮嗟
乎國家安危從此託淝水一戰晉不削名士何須
置高閣

憶諸弟家中

鐵甕城邊日暮潮分攜各把木蘭橈東歸煙樹看
鄉色西去風波入楚遙何處花明紅燭院暫時人
醉綠楊橋山庄漁獵應如舊定憶秋江夜寂寥

蒼峴山人集卷三

然竹集

五

段太尉

汾陽愛子紉綺流馭師寡律邊民愁里中無賴竄
軍伍市上殺人連臂游邠寧節度不敢問段公旁
睨懷奇謀上狀白府請計事願署虞侯銷隱憂有
軍市酒刃酒翁撞壞釀器酒流溝一日縛其十七
卒斷頭注槊列道周尚書營中人盡甲節度震恐
張兩眸虞侯大笑掉首去解刀却從營門投諸軍
氣猛豺虎儔入門夾道持長矛殺一老卒何用甲

吾今來自戴吾頭急請尚書聽我語而翁勲業垂
千秋胡爲縱卒亂邊塞郭氏功名將不收我未晡
食可設具我疾將作今當留直叱僕夫持馬去終
夕晏眠環寇讐尚書謝過軍士服告成大府歸涇

州

溫太真

太真才氣何縱橫撥除喪亂反掌輕過江名流誰
第一當日品題殊未平絕裾別母本爲國舉朝屬
目流英聲游戲偏爲處仲客疎狂逆探世儀情橫
流涕泗方辭閣一尹丹陽早設兵蘇峻無端效作
賊義旗遙舉恢神京馳檄登壇壯士奮誓詞口誦
聲錚錚終使皇輿奠如故堅請歸藩由至誠嗚呼
丈夫作事貴終始陶公晚節相爲成整時狡獪未
可測要取忠孝通神明

詠史

田竇昔傾害其端始賓客賓客亦胡爲勢在乃接
迹武安固驕恣魏其中亦迫處貴人所親失位胡
惋惜仲孺本壯士好盡使族赤囁嚅兒女流瑣瑣

奚足責相知豈不謹無爲構其隙兩貴正相軋他人受彈射不見知幾人交游避翁赫

長孺本正性切諫古人稱雖常毀儒術乃毀公孫弘天子冠始見將軍揖而升無爲郡亦治法吏心所憎盡職在補過出守謝不能漢武雖容直淮陽竟不徵

病中對雨

抱疾已兼旬風雨猶未歇水積天傾敲岸頽雲突兀冬夜昨聞雷殷殷鞀鼓發今朝雨更多翻動鼃鼉窟孤舟渺江上危檣勢欲揭飄忽驚心魂陰森慘肌骨漢陽百里道阻若燕與越沈憂誰能理搔首落白髮

武昌城下送潘吏部先赴江陵

與君久向山中臥何意重歌行路難被 詔且容稱散吏逢人莫道舊朝官沈沈落月江城閉去去扁舟楚澤寒早晚荆南同作客班荆便似故交看

湧月臺

一訪驂鸞跡重過湧月臺青山初欲暮黃葉爲誰

哀石古臨江立亭空帶郭開時吟崔顥句心逐楚
雲回

雨後見月

夢回聞雨歌明月更當樓失喜披衣立空思著屐
遊影斜前嶺度光遠大江浮似欲來清嘯古人安
可求

八世伯祖方伯中齋公前從部郎出爲武

昌守七世叔祖少保端敏公先高祖舜

峰公竝以都御史開府武昌勳德竝載

蒼峴山人集卷三 然竹集

八

史乘松齡遊寓斯地緬懷先烈敬述三

詩

緬我貞靖公篤生三孝子方伯久祿養壘書重褒
美仲季隱事親綽楔表宅里武昌迎親往江魚足
甘旨貞靖愛吟詩名勝供驅使歸作碧山社耆英
差可擬文翰照泉石衣冠儼圖史王程時便省官
廉得親喜踰艾遂乞身兄弟常相倚五峯有草堂

遺文獨清綺

貞靖九世祖
修敬公私謚

端敏開府日世宗寵潛時深知在舊邸遇合風雲

奇盡歷六卿長晚總南曹司星辰尚書履風采青
宮師偉績兩京著侃議中朝持生平不傳會大禮
與青詞仕宦五十年海內仰羽儀展讀名臣傳終
始誰能疵休哉君子澤數世猶不移

我祖大中丞早歲登王畿讀書白玉堂焚草青瑣
闈掌禮正秩祀司憲揚國威初作虔州鎮逋寇盡
來歸再移荆楚地數歲民無饑每蒙天語賞忽中
宵人譏時議方持黨功高竟拂衣歸田每閒暇園
林對芳菲至今芙蓉湖猶存釣魚磯老成一彫喪

國事乃日非

聞湖口信

彭蠡從來路險艱亂離消息有無間經時楚澤魂
方定幾夜江南夢不還行處盡爲三峽水望中多
作九疑山須知百郡咽喉地莫道隣封事等閒

將抵漢川

蕭蕭瀟瀟口夕陽沈舴艫來浮漢水深雲雨那關神
女思桔槔真愧丈人心江鄉草木無寒色楚國山
川正薄陰頗憶昨宵明月裏戍樓高處動孤吟

舟中

雨過川何淨風清棹獨遲
亂流依板屋古木暗荒
祠老至艱難孰途長
嬾病宜林香對小几閒
寫楚騷辭

遣信先至江陵儻舍

南去王師戰伐初
楚江何處卜吾廬
莫誇盾鼻能磨墨
只覺蓬門好著書
烽火愁中迷七澤
煙波望裏弔三閭
無須辛苦求精舍
依樹遮頭便有餘

居僧舍

蒼峴山人集卷三

然竹集

十

枕上聞雷

何心窺造化十月再聞雷
夢覺渾無定陰陽結不開
江荒人獨臥風急鴈飛回
日夕寒流上蕭條起暮哀

寒女歎

賣去結綠珠獨上流
黃機織成雙鴛錦
誰家作舞衣
燈火半明滅
停梭聞歎聲
誰知蓬鬢影
舊日亦傾城

雨眺

未覺干戈逼空知魚鳥親川容成澹漠雨色見清
真不動煙中艇將歸隴上人三湘行已近何處弔
靈均

懷周伯衡前輩

江漢水未落扁舟日盤桓感懷託柔翰歎息知音
難密竹帶殘雨遠帆生暮寒佳期隔千里持此念
無端

寄沈青城編修吳門

蒼峴山人集卷三 然竹集

十一

半世交深各鬢斑悲歡何處不相關三秋怨別千
邨雨一路愁看萬仞山襍被關河明月冷草堂風
日落花閒與君共入金閨籍往事沈吟淚已潛

晚步

落日江山靜艤舟客思清疎楊垂岬古野水蕩沙
明目倦帆檣影心空鳥雀聲每看墟落好一動故
園情

鄉書

江干風雨動江時兩月鄉書寄未遲羣從欲知游

子況青簾終日對鷓鴣

危途常恐信沈浮前度緘題黃鶴樓此去煙波通漢沔戰雲滾處是荊州

憶曹秋岳先生赴蜀

共承新詔賦從征遠道君過白帝城劔閣寒雲岐路夢金閨殘月別時情孤生敢作三秋怨老輩猶爲萬里行匹馬亂山無定處相逢誰識舊公卿

寄蘇崑生

家居多謝病於爾獨情親吳苑花間調梁園雪裏人青尊疎禮法白首倦風塵曾事征南幕間關剩一身

蒼峴山人集卷三 然竹集

士

過東湖

湖流環百里挂席到荊州南國千秋思西風兩岸愁雲隨傳檄騎楓落過灘舟豈有依劉願真同王粲遊

荊州承天寺寓舍作

閒棲蕭寺古城東煙火人家半已空何意輕裘看叔子還將一紙望劉公青山目斷旌旗外白髮心

飯焚夾中何事隔牆高詠客苦思黃鶴問仙翁

同寓

潘吏部欲訪道黃鶴樓

澤口射兔

澤口多平原草黃兔所窟射獵非吾長因人興飛
越呼僮具弓矢結伍明賞罰潛行入深莽奔走出
林樾一兔起我前持滿不及發分曹逐其類呼噪
聲不歇水際幾得之復疑草中沒前途馳一兔其
狀益飄忽鳥逝何翩翩人立乃兀兀倔強竟不終
一矢洞毛骨持歸且相賀緩步林間月

泊黑流渡

蒼峴山人集卷三 然竹集

三

薄日下高原荒邨半掩門投林寒鳥疾爭渡遠人
喧燒竹江邊色斧冰沙上痕可憐征戍後猶得幾
家存

冬夜柬周前輩伯衡紀太子湘

一身垂欲老吾道竟如何江漢空彈鋏乾坤半枕
戈酒醒寒夜早風入小樓多幸有同心客朝朝騎
馬過

冬日感懷

庭樹葉盡落霜風夜淒其客子無重裘晨興持酒
卮酒能溫旅顏亦能釋憂思憂思何用釋聊以答
恩私冰雪方載途荆棘動盈達愁嘆事無益歡宴
恐非時年少別帝畿垂白來邊陲於世本疎闊甘
爲達者媼

遊宦非真吏閒居異隱淪時乘款段馬躑躅漢水
濱漢水何清漪照我衣上塵學道苦紛慮爲謀未
周身富貴非所期丘壑志不伸喧寂兩無得默默
傷心神用拙行吾意還師抱甕人

蒼峴山人集卷三 然竹集

古

壯士志不伸茫然撫今昔獨將千載心持示萬里
客魯連蹈東海相如碎和璧意氣抗雲霄偉詞出
金石兩賢垂高名遭時乃奮迹跼促塵埃中焉能
效咫尺

寒風動陰術白日照陽阿此時行役子有淚落江
沱楚水何湯湯楚山亦峩峨自古鬻熊國戰伐何
其多衡山橫殺氣洞庭日揚波未解 朝廷憂所
望行陣和羣公方戮力書生請荷戈

趨府無職事日高騎馬還獨持一卷書清晝常閉

關東鄰画省客詩篇鮑謝間相邀坐南樓命酒聊
破顏斜景在林際了見江上山山容無冬春各笑
鬢已斑

悠悠念故里親朋盡貧賤歷歷平生言歎息不能
踐劉生足屢別嚴子游且倦古道難喻人才名竟
空擅送我臨大江秋風淚如霰白首重分離青山
隔征戰嚴子去冀北劉生返鄉縣為別夜不眠相
思歲方晏孤館燈燼落荒城雨雪徧春風何日來
故人何日見

蒼峴山文集卷三

然竹集

五

軍中有折得梅花一枝者同事諸公驚喜
傳翫感而記之

一枝芳豔出江頭立馬營門看不休試問梅花開
幾日可憐春色到巴丘

再過漢川

行役胡爲者春帆復漢川微風楊柳色晴日杏花
煙稍喜邊聲靜還驚物候遷功名何日立從事已
經年

江上贈僧

舊住名山老辨才飄然行脚楚江隈春濤濺雨袈
裝濕可向頭陀寺裏來

偶作

萬類竟何始中空安得象吾聞古至人大智無昏
朗照物忘內外尋源滅諸想迹埽情偶諧理會心
獨往無作庶實詣有得匪真賞朝夕發清機山川
一虛敞中累苟不盡所累希外獎取舍兩不生何
須脫塵鞅

郊行感懷

蒼峴山人集卷三

卷三

六

春日徧原野胡爲心鬱紆行吟楚澤旁日夕懷東
吳東吳有田舍數載爲農夫種植頗自足琴書亦
多娛一旦被朝命再涉仕宦途鼓枻凌洪濤策
馬歷崎嶇委身在疆場所愧一效無本非好爵慕
何不返菰蘆逐臣蒙國恩理與常人殊方當多
事日聊欲備馳驅夕照在前山迴光滿平蕪青郊
蹇余步進退兩踟躕羨彼耕鑿人嗟哉章句儒

眼暗寄蓀友

少年不得致卿相垂老乞祿胡爲乎爾示饑驅在

京國鈞絲冷落春風徂憶昨與子江上別爲言多
病目力枯風塵潦倒不稱意爾我自知非壯夫長
沙司馬拜表入附寄數行今到無從軍半歲眼亦
暗強作細字形模糊開緘一笑更長歎何日同歸
舊酒罏

短歌

大風吹折堤畔柳荒江有客東西走手內常持一
卷書意中那享千金帚傷老憂時試一歌麤麤白
髮對江河問君有酒何不醉暮雨孤舟感慨多

蒼峴山人集卷三

然竹集

七

寄舍弟燈巖

吾弟非世情冥心探道要牀頭置老易十年觀其
竅幽居常抱疾轉益神智妙方外一游衍室中或
長嘯余雖好文史頗不遺內照互攻有短長相師
無長少嗟哉事遠游誰爲余同調

題畫蘇州集

三守名邦再脫簪焚香埽地隱居心詩歌淒婉多
懷舊天寶年中侍羽林

偶晴

江上雨經時舟居正散絲病多止酒日愁少落花
詩忽見一川曉故令雙槳遲春山與春樹無日不
相思

寄弟邳仙四首

楚塞春光滿清宵愛弟思圖書須考索門戶好支
持飄泊行多感扶搖上未遲關山游子淚莫遣老
親知

臘月音書到山田竟不收病妻需藥餌稚子索衣
裘棄置不可道補苴難預謀昏昏終日醉恃爾百

無憂

蒼峴山人集卷三 然竹集

大

舊忝金閨籍蹉跎鬢已彫折腰安俗吏揮涕念

先朝誰鼓王門瑟虛隨使者軺客心如斷梗日夜

泛江湖

明歲春風好高堂甲子周綵衣應竝舞帶甲幾時
休山館張燈坐琳宮策杖游諸昆扶持日一望楚

天愁

少日

少日狎江湖視險如康莊竊慕謝安石凌風泛蒼

茫放棹洪濤中意氣何飛揚去冬涉大江今春游
湖湘食宿在水際艱難始一嘗天地忽改色蛟龍
怒相望帆敝杯覆懷浪觸雨沾裳膽力竟何去心
魂徒自傷牽率勢難已進退尤僂徨豈因更事久
坐使壯氣三回憶少年時胡不稟垂堂忠信難自
保安危詎當忘矯情昔所誚君子履其常

燕

畫棟巢成竟不歸短檣落日肯相依須知春色無
分別綺陌荒江一例飛

蒼峴山人集卷三

然竹集

九

再至荊州卽過李劬庵寓飲

夏口君先發荆南我再過旌旗橫白晝風雨妒清
和經亂文章賤依人涕淚多相看懷抱盡落日竝
高歌

未暇謀棲息衝泥訪故知飲憐鄉味美吟覺楚天
悲燕壘遷無所漁磯歸莫遲古來經世事豈在白
頭時

登荊州城懷王仲宣和李劬庵

作賦樓非舊銷憂日正長古人何寂寞時事一蒼

茫雲入三湘暗風生五月涼秦川未歸客吟望復
江鄉

送許竹隱太守還京

從軍暫客楚江濱却返皇都詔命新自識朝
廷憐遠吏翻愁幕府失才人除書滇海交兵日歸
棹湖湘報主身此去好陳經世策肯教烽火入三
秦

把酒城隅話舊遊悲歌同上仲宣樓雲深鄉國稀
來信笛起江關急暮愁放舸水從巴峽下懷人帆

蒼峴山人集卷三

然竹集

三

向廣陵收倘還故郡經吾邑一造柴門慰白頭

與許竹隱話別

今日飲君酒高樓細雨中他鄉愁送別垂老悔從
戎柔櫓鳴江浦殘花落渚宮不須論去住身世總
飄蓬

病中柬李劬庵

老游江漢已經年藥裹隨身祇自憐辛苦半生嘗
蓼味孤危舉世飲狂泉他鄉伏枕愁同病雨夜攤
書困不眠共有高堂闕晨夕驚心烽火倍潸然

移寓城東衛氏宅東李雨商太守

僦屋招提舊炎蒸逼小樓使君還授館倦客且淹
留虛牖開延爽層軒坐散愁琴書吾意適亦不減
林丘

臥疾兵戈裏人言閉戶高晨風迴薜荔夜雨溜蒲
萄南郡長屯戍西山易遁逃看君奮雄畧棲息愧
吾曹

送李劬庵赴襄陽軍中

上游重被羽書飛才子從戎願豈違大將新移襄
水鎮偏師已解穀城圍轉輸千里資軍實屏障中
原仗國威寇盜西山猶負險同仇未肯賦無衣
少年京國訂交期垂老兵間怨別離絳帳臺邊人
望遠銅鞮坊下馬行遲
匡時奇策應須爾弔古高
吟欲和誰落日試尋羊祜蹟不堪重讀峴山碑

荊州感懷

荊州自昔分爭地列戍吹笳繞廢臺野岬綠楊驕
馬度戰場紅燭舞腰迴烽傳隴蜀杯慵舉塵捲西
南扇不開獨有江山餘故宅夜深涼月自徘徊

南游

南游此日一登臺暮雨蕭蕭萬壑哀湘水至今生
楚竹夷陵曾復有秦灰旌旗雲暗飄難定鸛鶴天
空去不回安得萬方鼙鼓息靜看江漢合流來

江漲

莫倚長堤固江光極望遙楚濤風更湧蜀雪暑初
消古戍旗橫壘營門竹縛橋奇師常用水破敵或
今朝

送友人北還

蒼峴山人集卷三 然竹集

三

風雨荆門五月寒看君匹馬向桑乾 朝廷此日
憂多事臣子何心樂罷官客路青尊沈醉易故人
白首別離難得歸莫穩滄江臥痛哭應須策治安

遊太暉觀

散步郊原秋色新岩巖仙觀出江濱高臺雲氣連
城郭古鐔丹青駐鬼神檜柏幸存戎馬日石壇無
復羽衣人斜陽更上龍山望處處軍營起暮塵

江行雜詩

失意荆南客謀歸那易言江山愁伏枕風雨強持

尊黃菊寒孤棹丹楓亂晚邨悲歌撫長劍未報主人恩

別友大別下日暮籃輿還秋水尚平閣夕陽常在山未忘朋舊樂久識世途艱瀟落今垂白扁舟去住間

江風猶未勁晴日過齊安帆映千山去窗留獨樹看浮生寄舟楫勝地集衣冠欲訪前賢蹟煙霞滿夕巒

又入蘄春路川原似舊時大江浮楚國落木冷吳

蒼峴山人集卷三 然竹集

三

祠竹裏聞寒磬雲邊出戍旗頻年經戰伐身在復何悲

飄泊兼多病秋來畏苦吟明燈消梵夾濁酒換鄉心岐路紛歌哭荒江自古今推蓬對寥廓松月影沈沈

潯陽彫敝久近郭見人煙稍喜流民集真知長吏

賢時同郡楊陶雲爲守五峯寒到地九派碧黏天苦待休兵甲芒

屨看瀑泉

匡廬散曉霧了見下湖船盜賊恐偷息 朝廷務

保全那當離亂後追憶太平年畫舫逢山住長歌
夜不眠

余於丙午泛彭
蠡今十年矣

舊業半蕪沒浮名奈爾何家貧歸趣少世難客愁
多寒雨早仍暮亂雲關復河空憐五湖畔冷落一
漁蓑

阻風江岸泊日對小孤山僧出寒雲裏鴉栖夕照
間暗楓隨澗落高浪觸磯還三度瞻靈蹟飄零只
鬢斑

客路黃金盡空餘數卷詩未堪傳後日只擬棄明

蒼峴山人集卷三

然竹集

卅

時月落知愁在江寒覺夢遲耳聽悲角慣此夜莫
教吹

聞發金陵卒征南再建牙揚舡趨貢水間道入長
沙民命寧憂盡兵威必慎加更煩諸將帥努力控
三巴

夢回知放棹急起聽潺湲浪湧疑浮樹帆鼓欲入
邨曉霜全嶺白宿霧半江昏險阻吾曾習長年爾
勿喧

吾友今太白乃在郎官湖著述千秋定從戎萬卷

俱澗心論世事薄俗笑文儒共對空江月知君憶

病夫

有懷李劬
庵在漢陽

高節嚴夫子新從帝里歸遠愁緘尺素舊事問漁
磯偕隱謀偏誤逢時意總非登臨日相望落葉萬

山稀

懷蕓
友也

有弟游京國秋風鍛羽翰還家知歲暮遣使語平
安戎馬余多病冰霜汝正寒彫殘驚骨肉兩地淚
汎瀾

采石東南勝扶筇最上頭翠微連古郡紅葉照高

蒼峴山人集卷三

然竹集

三五

樓水作鄉園色山餘故國愁風流人不再宮錦夜
深遊

江上暮潮平山圍建業城金銀何代寺鐘鼓六時
聲楚塞憑飛輓秦淮重駐兵此邦猶樂土羽檄莫

縱橫

信宿南徐路輕帆便故鄉青山寒亦好紅稻晚能
香覲省高堂慰過從舊友將挽鬢愁稚子烽火問

三湘

喜晴

不易得晴色端憂銷未曾春光高館靜日氣雜花
蒸發興理殘帙餘情散野塍河橋沽酒處獨曳剡
溪藤

送春

郊原風色尚清和芳草當筵一放歌詩酒平生追
憶少鶯花故國別離多江山老眼看春去池館閒
身向晚過有約東皇莫相負相逢不奈白頭何

新綠

每愁樹色催花盡待得成陰興頗宜煙結長條搖

蒼峴山人集卷三

然竹集

三

落日雨寒新翠入深卮當山高館風斜度壓水平
橋影暗移獨有曲闌紅芍藥翻堦却在綠濃時

能史閣觀沈石田碧山吟社圖

耆英舊事百年思尊酒披圖日正遲戎馬幸存前
輩蹟風流真憶太平時彈琴高館帶泉響點筆青
山各鬢絲今日草堂松石廢夕陽空自對殘碑

鄧孝威枉贈詩次韻奉荅

楚澤三年客蕪城七月來江山連鼓角風雨一尊
罍徒歸馬卿病窮途阮籍哀故人俱白首落日屢

登臺

軍府容疎放開門長薜蘿秋吟思把釣晚醉夢橫
戈烽火愁雲密江聲戰壘多學書曾不就學劍復
蹉跎

文選樓依舊堪若寄跡高春深隋苑樹秋急廣陵
濤靜理親書卷幽居避節旄爲耽蕭寂甚獨上醉
香醪

南郡棲遲日儒生強據鞍旗高春帳靜馬立暮天
寒古宅人傳宋殘山蹟記桓登樓詞賦在感慨不

能看

蒼峴山人集卷三

然竹集

三

與子別多載生涯兩寂然笙歌人盡去觴詠意猶
懸詩苦催華髮廬荒急賦錢客中勞慰藉未老病
纏綿

投我詩盈軸清思迴絕倫艱難念朋友落莫向時
人林屋無歸業雷塘空要津尚存湖海氣獨立出
風塵

李岷瞻同年邀遊康山感舊

蕪城暑未闌何以散煩促夙聞康山勝虛堂蔭松

竹李子攜我游肩與破朝旭通衢屋鄰比宛轉得
林麓遠見江南山近隔城市濁縱涉耳目清凝坐
心氣肅沈吟問坐客山名古何屬李子再三歎名
因對山得叶對山官翰林劉瑾擅威福奴隸視貂璫
謀面豈其欲同時李夢陽直節權奸觸下吏死須
吏呼救情已蹙瑾素慕康名無由通款曲苦心紆
友難不顧身屈辱名士朝及門孤臣暮脫梏以此
犯時議他日蒙譴逐浩歌歸武功白首野人服游
覽入揚州絃山久託足樂府製新聲琵琶激哀玉

峇峴山人集卷三 然竹集

天

酒酣歌復彈睥睨江山綠華亭董尚書風流後先
續題榜曰康山用表前賢躅我聞涕橫襟友誼古
人篤公心不求諒物論無乃酷畧迹常負累才高
用爲戮後來清流禍亦被宦官毒君子非一人枕
藉死詔獄令名固益彰其禍中邦國嗟哉今時士
所計利害孰交道久淪亡掉臂向骨肉康公雖見
棄義聲垂簡牘何取當世榮永懷通人目千載此
山丘高風振林木

偶成

一笛江天夜泊舟岸邊蘆荻響深秋連宵不作還
鄉夢苦愛西風倚柁樓

悠悠

悠悠道路長佳人隔煙霧川長霧更毒波濤不堪
泝日遠益相思昨夜夢中遇握手儼平生對景請
君賦躊躇欲有言悽惻不得吐無復故時意疑君
委朝露死既爲君悲生更爲君懼生死兩茫然淚
灑江山暮

舟居

蒼岷山人集卷三 然竹集

三

舟居仍兩月憂樂每相關浪急寒通枕帆迴晚映
山黃花今歲負赤羽一秋閒頗憶游吳客囊空久
不還 望李幼庵不至

卽事

尚持吳地酒却對楚江萍心力疲行李悲歡閱使
星寒林聞虎氣晚食厭魚腥從此孤舟內清齋寫
道經

哭周伯衡先生

讀書飲酒興猶新潦倒湖湘未老身詩只窮人何

至死名能折福已長貧青山弔古詞流失丹旆還
鄉客夢親難過庾樓清嘯地筆牀碁局總傷神

與公

同客武

昌最久

吳門折柳送君行颿影追隨只數程一病江淮淹
日夕三秋風雨斷將迎青蒲伏闕聲名舊白髮憂
時涕淚橫虛負中朝推轂意不令安石救蒼生
無復論詩散客愁空憐書卷對孤舟頻年老輩文
章盡何日他鄉戰伐休事去浮雲千里暮悲來落
木一江秋附書急報秦公子清淚同隨楚水流

重題

蒼峴山人集卷三 然竹集

三

東逝寒流疾西征故友悲干戈連伏枕風雪送歸
旗寂寞江亭酒淒涼春墅棋還聞垂死淚遲見太
平時

江月

江月寒逾靜江風吹尚微黃蘆隨岫闊白鳥背檣
飛迴立悲人事觀空豁道機雙峰五祖寺心地早
皈依

維舟

十月江猶滿維舟與岫平帙開林葉墮幔卷浪花
生豺虎空消息禽魚自性情只愁眠不穩吹角永
安城

擬古

刀頭百寶裝錦裘千金飾羽林精銳兒馬上好顏
色父兄丹陛侍親戚中禁直射獵長楊間自小鬪
勇力出從大將軍列帳長江北誰言軍中苦軍中
美酒食刁斗落日鳴醉臥牙旗側意氣向同輩殺
身將報國長江多風浪恨不生羽翼

蒼峴山人集卷三

然竹集

三

縱步

舟行日日多風雨意愜初晴試步新水蓼靜看紅
勝錦蘆牙小摘白如銀空江抱日寒無影曠野連
山晚見人家在五湖歸未得兵戈滿地忽傷神

憶巖四兄蓀友

好友經秋別登臨共此心江山寒自遠煙樹晚相
浹身老宜終隱家貧莫倦吟西湖舊游賞憶我對

開襟

寄弟邛仙

浮生何敢厭波濤感爾馳驅意獨勞絃絕欲求鸞
鳳背劍塵難試鷓鴣膏芒屨半世安丘壑手版三
年傍節旄但使病身歸計遂白頭終擬臥蓬蒿

舟中

兀坐心偏苦攤書眼亦昏寒蘆燒半溼漲水汲餘
渾雨氣旌旗雜江聲性命存道途從白首慘澹復
何言

雜感

關隴車書此日同相公拜命領元戎屯邊世久推

蒼岷山人集卷三 然竹集

三

克國納土功寧比竇融

詔出中朝心獨厚恩須

西土慶何窮 聖人威德原無用干羽虞廷舞未
終

蜀道從來未易平行師緩急自分明早開褒谷雲
邊路且置蓬婆雪外城漢水由來通楚地黃河終
古抱咸京惟教坐扼關山險盜賊他方莫震驚
授鉞親賢廟算強旌旗萬里作巖疆周家同姓盟
爲長漢制非劉爵不主當日酬勳原異數至今除
患屢分防堪嗟諸將功成後不肯歌鐘會未央

烽火章江警急多，滕王樓閣轉嗟峨。
雕鞍曉日明珠玉，列帳秋風泣綺羅。
坐算幾聞黃石畧，戰酣誰奮魯陽戈。
司農日夜憂財匱，擊鼓椎牛氣若何。
南郡城南野草平，黃巾自昔漫縱橫。
荆榛我欲求遺史，韎韐人從笑老兵。
沙市風塵朝試馬，龍山燈火夜移營。
誰來王粲高樓上，臥聽寒濤戰鼓聲。
寒風襍被復西來，軍府高筵舊屢陪。
精衛波濤心未死，爰居鐘鼓饗空哀。
書生自信無長策，天下何人解愛才。
垂老懷恩餘痛哭，百年丘壑忍徘徊。

罷酒

蒼岷山人集卷三 然竹集

五

寒江直下三千里，清角聽殘十二聲。
酒罷傷懷非一事，西風吹淚楚王城。

軍中口號

曉色旗邊戰馬肥，隔江消息近來稀。
不鳴鼓角轉門啟，擎出紅綾夜探歸。

諸王授鉞稱兵主，總制尚書立馬前。
諭帖飛傳從內院，印文柳葉暗龍箋。

將軍號令本嚴明，父老焚香夾路迎。
吹角一聲江

上晚千邨樵采盡歸營

大砲西洋鑄造新瑩如綠玉重千鈞內廷賜出非
凡器吉日臨江祭火神

椎牛饗士古人爲妙舞酣歌亦暫時新得佳人知
識字帳前昨夜進唐詩

蒙古新軍赴戰場腰纏紅錦鬪身強閒騎細馬當
街走笑奪黃柑帶子嘗

兵家利鈍事由天密咒防身箇箇傳寶篆須求雷
擊木二眉山裏問神仙

蒼峴山人集卷三 然竹集

三

沿江帳殿亦崔嵬甲仗軍門候曉開白馬朱纓橫
意氣雀翎雙眼大人來

鐵騎從來風雨馳西陵道路苦崎危深壕掘作梅
花樣鹿角中間布蒺藜

渡江戰具久安排新調沙船泊水涯軍令未教輕
易入西風浪打虎頭牌

大漢從軍一丈身不堪騎馬走黃塵忍饑日食官
倉粟過市兒童看殺人

隘口譏防出汛船巡軍醉酒故高眠官鹽論載公

然渡市上爭看當十錢

橘柚江湘未足多荆州菱藕滿官河軍中只重京
師味蘋果蒲萄馬上馱

北使南馳五日餘八旗親戚附家書繡囊密寄閨
中字襯甲收藏莫負渠

中軍燈火夜深明白月橫空坐論兵策馬試從高
處望帳房如雪不聞聲

米豆分營費馬蹏有司支放苦難稽朝來酌酒爭
相賀索得清書檔子齊

峇峴山人集卷三

然竹集

三

祭風臺上蕭蕭雨搥鼓基邊殷殷雷波撼岳陽聽
不得君山一點送青來

都城常賽漢將軍簫鼓迎神自昔聞今日椒漿陳
水上雲中遮莫下湘君

白頭從事愧虛名長晝惟將卷帙橫幕下健兒多
竊笑兵間何用一書生

三年

三年流寓楚江濱風物殊方易愴神地盡水鄉魚
飼犬俗尊淫祀鬼憑人濤通巫峽聲悲壯曲變銅

然渡市上爭看當十錢

橘柚江湘未足多
荊州菱藕滿官河
軍中只重京師味
蘋果蒲萄馬上馱

北使南馳五日餘
八旗親戚附家書
繡囊密寄閨中字
襯甲收藏莫負渠

中軍燈火夜深明
白月橫空坐論兵
策馬試從高處望
帳房如雪不聞聲

米豆分營費
馬蹏有司支
放苦難稽
朝來酌酒爭相賀
索得清書檔子齊

蒼峴山人集卷三 然竹集

三

祭風臺上蕭蕭雨
搗鼓基邊殷殷雷
波撼岳陽聽不得
君山一點送青來

都城常賽漢將軍
簫鼓迎神自昔聞
今日椒漿陳水上
雲中遮莫下湘君

白頭從事愧虛名
長晝惟將卷帙橫
幕下健兒多竊笑
兵間何用一書生

三年

三年流寓楚江濱
風物殊方易愴神
地盡水鄉魚飼犬
俗尊淫祀鬼憑人
濤通巫峽聲悲壯
曲變銅

鞬調苦辛屈宋文章今絕響鹿門還結孟家鄰

滿目

滿目紅旗載米船西南何日罷戈鋌輪軍未盡蕭
何策憂國空思卜式賢薄海徧供金革費羣公莫
濫水衡錢焦勞尚體君王意救亂無如儉德先

七夕邀涇陽李叱瞻興化李鏡月若金承

天寺寓齋小飲分韻

靈鵲已成駕暑殘秋未逢同心客楚郡精藍萃萍
蹤佳節況良會虛閣談從容涼風送芳杜清芬雜

蒼峴山人集卷三

然竹集

五

芙蓉初月映東鐸曜靈匿西峯淺澹望碧漢噌吰
聞暮鐘燦此牛女星照彼江上烽豈伊戎馬地觴
咏忽相從舊友愜三益新交誇二龍對酒娛今夕
託契惟青松還期聚黃鵠高秋豁塵胃客散寂寥
夜露垂鳴暗蛩

荊州九日

江漢悲秋客行吟風雨中技甘同腐鼠身恐化沙
蟲故國三年別名城百戰空何堪逢九日觴咏憶

桓公

奉酬金沙于鳴陸表叔

客路逢親串同登古寺樓深談當永夕轉戰及高
秋征稅家鄉急兵戈異地愁知君不得意襟被向
南游

功名非我立白首更何言直用詩書誤空懷親舊
恩無謀慚食肉居寵笑乘軒潦倒天涯慣因君憶
故園

他鄉方慰藉幾日便離筵醉盡宜城酒愁連夏口
煙圖書留亂後草木記兵前道路休回首華陽有

洞天

荆南春日感懷

久向精藍寄客蹤高樓吟望漫從容江關舊友傳
書到幕府羣賢載酒從雨色晚連軍埃火角聲朝
應寺門鐘殘碑記是羅含宅織席茅興未慵

聖主崇文雅化新 天書初下訪儒臣漢廷有意
尊經術宣室何妨對鬼神喜說圖中求駿馬還看
席上得奇珍上林春色應如舊憔悴當年獻賦人
把酒臨江感慨多西南天地正橫戈登樓有客依

劉表使粵何人下趙陀浪接三巴聲激壯觀名一
柱勢嵯峨偶逢春晝無烽火聽得琵琶幾曲歌

故園景色五湖邊老樹千章碧倚天載酒獨尋花
外寺聽泉重繫柳根船東吳文物非今日南楚山
川異昔年步屨郊原閒縱目童華臺畔草芊芊
楚殿梁宮竟若何江邊劫火向來多春風玉帳雕
弓挂夜燭銀箏細馬馱宋玉牆頭餘粉黛馬融堂
後散笙歌繁華自昔頻消歇湘水年年起綠波

二月輕寒正落梅鶴鶴消息自金臺從軍豈有揮

蒼峴山人集卷三

然竹集

三

戈力投筆方疎作賦才漢柳禪時鷲乍嘯江雲飛
處雁俱回荆南芍藥應愁贈冀北棠花好待開

總戎張遠公脫楊子宣樓於難感而記其

事

人生緩急將何倚莫倚故交與鄰里多少相逢患
難時掉臂看人在泥滓當陽楊子今名士一官歸
去更何覩更有官錢責代償不然盡室投荒死郡
符數輩促上道妻子倉皇泣江汜平日親朋各閉
門銀鐙落日無行李荆南幕府張將軍廣坐聞言

奮衣起不活此人非丈夫顧問俸錢尚餘幾盡取
輸官得緩行飛書徧告及遠邇共感將軍意氣高
誰人不願爲君子官錢輸足楊子脫長揖軍門報
恩始將軍大笑子勿言酌酒張燈論文史

贈秀石上人

一龕佛火對繩牀宴坐荆南古道場百歲威儀同
寶相諸孫法席繼天皇領邊白髮隨時長舌本青
蓮徧界香老我徧宜心跡靜聽鐘常宿贊公房

題余展箴中舍各體詩後

蒼峴山人集卷三

然竹集

壬

征南書記最風流草檄方成筆未休數幅銀箋揮
灑徧還疑身在鳳池頭

男祖然編

外孫王繩曾

孫男蕙田

校



